



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

B. Aloysivs Gonzaga Soc. I. C. 21. Iunii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

non sine miraculo nuntiarent. Vifa enim est precanti HEMMINGO puella è nube lucidâ librum apertum orbi porrigere, & vox ad aures ejuscemodi allapla: *Nata est Birgero filia, cuius admirabili voce universus mundus personabit.* Sed & ipse HEMMINGVS pro concione saxa mollire, & ad DEVM feros animos voce suâ trahere, & jam Regibus etiam ac Pontificibus reprehensione aures vellicare; omnes intereà orationes incipere à VIRGINIS laudibus, & suis scilicet finire. Temporis avarus ad verba otiosa mutus adfuit, ad epulas verò Tantalus. Pro oculorum portis excubabat, ne has ulla foemina visa subiret, erantque tam sanctis vigiliis tessera illa verba è sacris nostris: *Averte oculos meos, ne videant vanitatem.* Inter preces sapè aliò, moriens denique inter eadem in cælum est abreptus. *Ex Vite Aquil. Vastovii.*

B. ALOYSIVS GONZAGA
Soc. I. C. 21. Iunii.

MOriturus ALOYSIVS nascendo Merat, si non parienti matri Mater MARIA affuisset. Inter prima ejus verba IESVS & MARIA feruntur, boni ominis. Puerulus etiamnum in singulis scalarum gradibus scalam cæli MARIAM salutavit. Hujus horas quotidie, Sabbatho etiam jejunus dixit. Ad hujus effi-

effigiem, quam Florentia ANNUN-
 TIATÆ titulo colit, florem virginita-
 tis consecravit, semper, dum vixit, inta-
 ctum, quia HORTO CONCLUSO
 commiserat. Interim catenas flagelli,
 calcaria cilicii loco, quamvis currenti
 sponte, corpusculo admovebat, victus
 vix unciam appendebat, foeminarum &
 chorearum hostis, Imperatricem, quam
 tres annos quotidie adibat, nunquam
 aspexit, precibus tam ubique addictus,
 ut loqui eum angulis dicerent, rectius
 Angelis dicturi. Aiebat frequenter: *Non
 videre se, cur non mortales omnes religioni
 se manciparent.* Et certe Senis cum ad
 Sodales Marianos diceret, bene multis
 id persuasit. Ipse, cum ASSUMPTÆ
 VIRGINIS die illa è cælo audisset, So-
 cietatem IESV ingredi; post longas
 cum patre pugnas, MARIÆ IESVM
 junxit. Hunc, quoties studeret, in ge-
 nuâ provolutus vocare; hunc sub pa-
 nis velo latitantem ante & post ludum
 literarium salutare; sacrificiis quinis
 senisve Minister assistere, ad conspe-
 ctum HOSTIÆ lacrimis manare; cum
 verò eo epulo frueretur, inundare
 etiam. Itaq; nullius noxæ gravioris sibi
 conscius Angeli nomen meruit; ut ter-
 ra cælum dici possët, si plures Aloysios
 haberet. *Ex Virg. Cepario.*

SS. ACHA-